

國朝詩人徵略

國朝詩人徵略卷三十七

番禺張維屏子樹輯

蔣士銓

字心餘號茗生江西鉛山人乾隆二十二年進士官編修有忠雅堂集

君天稟英絕有覽輒記丁卯舉于鄉甲戌考授中書丁丑成進士入翰林散館第一居官八年乞假養母大府聘爲蕺山崇文安定三書院山長會少宰彭公元瑞召見

天子問蔣某何在彭以渠母老對及太宜人薨君感

上恩入都京察一等以御史用旋患風痺還南昌

小倉山房文集

君秀眉長身兩眸子奕奕如電在戒山時越中三江間日久堙廢君力請于大府借帑辦治曰事雖非山長責然食越人粟則視越人如一家焉有駱生者負鹽課客死君連夜作十三札飛遞嶺南俾其孀孤扶六櫬歸

同上

裘文達公在

上前薦君與彭公爲江右兩名士以故

上賜彭公詩并及君

同上

君晚年雖病廢而神明不衰左手作字橫斜入古

所居藏園水木明瑟五子七孫穿花繞膝死之夕

無雲而雷者三相傳君生時亦然

同上

君風神散朗如魏晉間人從容譙笑繼以訕謔而  
甄錄寒峻激揚忠義有古烈士之風博通淹雅自  
古文辭及填詞度曲無所不工而最擅場者莫如  
詩論詩於當代以君爲首君與禮部尙書彭君元  
瑞生同鄉成進士同年又同官翰林

上賜詩嘗有江右兩名士之目乾隆五十年二月二十二

日卒年六十有一

春融堂集

若生諸體皆工蒼蒼莽莽不主故常正如昆陽夜

戰雷雨交作又如洞庭君吹笛海立雲垂信足以  
開拓萬古之心胸推倒一時之豪傑也君長身玉  
立眉目朗然欽寄磊落肺腑槎枒遇忠孝節烈事  
輒長歌以紀之夙知音律意所未盡放而爲院本  
有芝龕香剏諸劇世尤稱之

湖海詩傳

心餘先生詩篇篇本色語語根心不欲英雄欺人  
不肯優孟摹古言情而出以蘊藉故無粗率之辭  
用事而妙於剪裁故無堆垛之迹金銀銅鐵鎔爲  
一鑪而不覺其雜酸鹹辛甘調於一鼎而愈覺其  
和無他有我以主之有氣以運之故也

聽松廬詩話

袁子才以第一人自命而以第二位置先生然通

觀兩集袁詩多可驚可喜而蔣詩則多可味

同上

先生袁楊子載

原

詩有云君死我尙生忍見顛危

糾悠忽成坐視何用我爲友真氣鬱勃於此見先生性情肫摯不獨交誼之篤也

同上

心餘詩楚水入吳寬五字中有數千里又棲霞詩萬石聚成海句亦奇又焦山詩江隨禹力已朝宗山到漢朝纔得姓拈出便警又閉門人各在深山七字極有味至如古來失路萬人淚斷續滴作桑

乾河二語較之文章遼海哭秋風尤爲沈痛

同上

行旅遇涉水之處深則須舟淺或推車或牽馬皆不能不需人助於是土人遂有藉端橫索者然猶曰水爲之也乃車轍所經往往有故設陷阱致令覆車以忿其需索之欲者此亦宰斯土者所宜畱意也心餘先生詩云泥中列阱道旁嬉橫索金錢一挽持過客囊空民橐滿可憐官吏不曾知同上

先生詩云寄言學詩者唐宋皆吾師宗旨可見同上

先生古文亦雅正有法其銅絃詞尤爲獨絕或行以勁氣則磊落崎嶇或出以深情則纏綿婉曲直是世間一種不可磨滅文字不得以小技目之同上

標題

上灘

古五

萬年橋觴月

古七

自鳴鐘

古五

到家六首

古五

上芻行

古七

望灣賞番圖

古七

覆車紀行

古五

京師樂府詞十六首

古七

蔡貞女詩

古七

鐵箭行

古七

隆興寺

大菩薩歌

古七

讀史三首

古五 第一首

文字

四首

古五

辯詩

古五

天地球

古七

錢武肅

王鐵券歌

古七

題表忠觀碑後

古七

執紼

詞六章

古長短句

雷門吟

古五

宛委山金簡

玉書歌

古七

自題散珮偕老圖

古五

題文

信國遺像

古七

醉歌

古七

江孝子詩

古七



王文成驛丞署尾硯歌

古七

白將軍

雲上

歌

古七

李竹溪桃源圖

古七

再示知讓三

首

古五

文信國琴

古七

摘句

文字何以壽身後無虛名元氣結紙上畱

此真性情讀書確有得落筆當孤行數語  
立堅壁寸鐵排天兵

古人未易及不幸有可議恆情樂攻短羣  
口謀然肆試存易地思幽獨但滋愧

君子互攻擊翻貽小人嗤

惡人亦好名常恐君子棄惟量貴容物奈

何觸其忌

俗士學干祿居恆厭枯槁貴來無可爲翻  
嗟入官早

萬物各處逸天地居其勞

生非不材木斧斤安得辭爲用信偶然天  
地難悉知輪轅與屏几勞逸誰使爲

天地多境界所值偶得之

古來數大事據我方寸胸積疑孰與釋恆  
理皆莫通古聖不可作謬誤難折中

讀書心久死每被酒力活

俗士竊章句驟貴亦自矜國家數大事何  
以爲肩承

地力養萬物至慈過于天

偶得心造語古人復我先

屈意頌庸人文辭毋乃僞

破廟狐吹火孤墳鬼唱詩

水喧帆力健天濶岸沙圓

雲氣爲朝暮山容互淺深

民窮胥役富縣小士人尊

萬竹掩危磴一巷埋綠雲

飢寒未市千金骨貧賤終成一代身

不關天地非奇困能動風雷亦異才

馬福寺

離鄉味似新婚別乍客身經蜀道難

古來名士窮難送天下才人貴亦勞

東鄰熟睡西鄰醒各樣情懷各自知

飢驅氣藉詩書長游倦心惟骨肉親

杯空寒色一鐙裏夢在雨聲雙鷁中

苦吟猶學李長吉薦士不逢韓退之

片雲當晝酒杯黑新綠過牆庭宇深

貧賤讀書聞見少艱難求仕鬻毛蒼

攜來琴鶴存清節看到江山要好詩  
家饒田宅爲身累士解悲歌是病根  
食祿敢存能死念臨危纔見讀書身  
性靈獨到刪常語比興兼存見國風  
但借文章敵憂患莫看科第作功名  
讀書心較求官急許國身容戀母閒  
諸緣淡定根于達萬物生機得自和  
高名身後誰千古同輩年來半九原  
此生窮困由天授後日功名厭客談  
瀑布之餘雲盡水茯苓其上樹交花

彭元瑞

字掌仍號雲楣江西南昌人乾隆二十二年進士官至協辦大學士諡文勤有恩餘堂稿

文勤少年敏慧早直

西清應奉文字婉麗清新出人意表所進無不被蒙獎賞者而恭跋

御製全韻詩乃集千字文爲之又撰

乾清宮前燈詞駢體尤佳

上賜以貂裘端硯中外榮之故

恩眷始終不替嘗輯宋人四六爲藝林傳誦

湖海詩傳

讀彭文勤公經進稿其中多屬對工整典重渾成者偶錄數則於後亦可爲初學開拓心胸之助

天下有三重議禮制度考文聖人等百王夏造殷

因周監

恭進禮器圖式表

皇朝

王者之治三十年而後

仁天子所都五百里曰甸服

天津連珠駕幸

潞流爲

池有淀蓋七十二阻濼爲界其址自遼宋金

同上

畋田宅宅如解衣衣我推食食我樂樂利利以春

風風人夏雨雨人

同上

春七日秋七夕七見來復

之心五重午九重陽重叶剛中之德

御製節序詩恭跋

天子所至曰幸以德爲車以樂爲御以人情爲田

大德之致永年如月之恆如日之升如南山之壽

萬壽經

增補

兕觥田畷闕籥之三曰無疆鳳翥吉人卷

阿之四曰純嘏

集成讚跋

萬福

是謂太平之世曰

雨而雨曰暘而暘則知小人之依先憂而憂後樂

而樂

御製雨  
雪陰晴詩恭跋

有象之春夏秋冬孰主張

是孰綱維是孰居推行是無形之陰晴雨雪我潤

澤之我滲漉之我汜布濩之

同上

心惕若以乾乾

聖原無過言達之而疊疊民可使知

恭謝

恩賜  
知過論墨刻摺子

承筐肆宵雅之三食苹空愧受祿頌

天保之九戩穀罄宜

恭謝  
賜鹿肉摺子

恩

在治忽觀古人之



象繪作有虞先稼穡知小民之依

圖成無逸

恭謝宋李迪

維待飼圖墨刻

御臨

十二時不翼

而飛

大之所助者順千萬里如指諸掌

聖不可知謂神

恭謝

恩賜

御製

維天為

大有成功斯有文章維

聖成能有文事必有武備

同上

三皇各歲萬八千史臣勒

之古牒伊耆在位七十載虞典首於尚書

恭請編

萬壽八旬

奉三無私

聖人之作也如覆載照致四必得

昊天其子之以保佑申請誦六章之詩川至日升月恆山  
阜岡陵松柏之茂塵

敦九功之敘利用厚生正德水火金木土穀惟脩同 著  
來

恩重憶舊服之鵲懸捧出心驚惕微衷於鵲翼恭謝 恩賜黑

狐端單 摺子 齒非加長實維逾格之施步本不工彌

切殊常之感恭謝 禁城內騎馬摺子 竊幸遊

門學疲羸之十駕願同在廐頌福祿於

萬年同 播晨綸於

西苑得爲氓而

仁許受塵曝冬日於南榮將改歲而

恩謀入室容身環堵憶跼江國之牛宮待漏觚稜不隔

禁城之魚鑰

恭謝  
居內城摺子

賜

夢爲蝴蝶本在漆園

傲吏之書紀于太常宜入日下舊聞之錄

恭謝

恩

賜

御筆太常  
仙蝶詩墨刻摺子

君上補造物無不接之青黃

父母篤恩勤有必周之黔赤

恭謝  
西十二縣偏災摺子

恩撫江

不得

已而用師往有功无所利而爲我戰則克

柳製詩

文士全  
集進表

國家豐亨豫大再壽三十年之通民戶朝饗夕飧或

鮮萬千斯之積富非藏國利本因民矧當太倉之

陳陳相因何如高廩之多多益善恭謝旨普免漕糧摺恩

子輔相裁成而泰有福天施地生而益无方

平惠全書進表通觀全稿益得力于宋四六為多松軒隨筆

摘句包山具區濱直境入短幅山影七十二湖

光三萬六

六逢唐宋元明代疊衍來鼎仍耳人恭和

御製命彭元瑞曹文植檢四庫全書古來見元孫者有幾據奏自唐迄明凡六人詩以誌事元韻

皆地行仙德既醉自

天子所福來

同千叟

陌上泥沾高下屐擔頭香過短長亭杏花

曹錫寶

字鴻書號檢亭江南上海人乾隆二十二年進士官監察御史贈左副都御史

檢亭胸襟瀟灑早入

內廷隨巡侍直時有篇章流傳日下及登進士改庶常復由部曹擢爲侍御因見朝貴家人貪縱不法劾之詢無實據吏議請革職

詔特原之仍令畱任及至嘉慶己未正月

上追念其慷慨敢言不愧諍臣之職且其事亦非失實追

贈副都御史并蔭其子爲中書益異數也

湖海詩傳

摘句 驚沙常暗日衰草自生風

塞上

山自朔庭環九域城聯遼海控三邊

彭紹升

字允初號尺木江南長洲人乾隆二十二年進士

有觀河集

允初爲芝亭先生第四子自雋南宮卽辭撫仕古

文宗法震川詩亦克承家學

湖海詩傳

先生學兼儒釋仁恤鄉梓所著文集諸傳志表微

闡幽可備史冊非泛作空言者比

羣雅集

尺木居士甲門華胄而淡於世情耽於禪味殆有  
夙根耶然其所著二林居集於近時名臣名儒循  
吏生平行實爲之搜羅綴輯成一家言而於砥節  
礪行之徒濟人利物之事尤必懃懃焉紀載而表  
彰之此非特留心文獻其於扶世翼教益有深衷  
焉余謂先生不愧儒者特以性地高明厭棄塵俗  
故不覺有契乎釋家之言耳嗟乎昔之人名爲儒  
而實惑於釋者豈少也哉

德公廬  
文鈔

蔣心餘題允初詩卷云季子席華盛刻苦如諸生

聞道一何早曾閱同經營其推重如此聽松廬詩話

摘句 有懷長仿佛無夢不依山

雲淨寒潭纔見月雪消梅萼早生春

### 程大中

字拳時號是菴湖北應城人乾隆二十二年進士官蘄州學正有在山堂集甲乙存稿餘事集

四書逸箋程大中撰採輯諸書之文與四書相發明者或集註所已引而語有舛誤或集註所未發而義可參訂皆爲之箋其出處其與集註小異者則爲附錄其他書中所載四子書文與今本異者



則爲附記第六卷則專考四書人物遺事又雜事

數十條別爲雜記援據頗極詳明

四庫提要

拳時先生殫心稽古讀經讀史俱有發明余從李碧山太守處獲觀全集四書逸箋

四庫已著錄詩文集外有測言兩卷尤多名論

松軒隨筆

先生詩非專長然如雲開欲見家五字寫出行客

思家心事又花氣月中閒五字亦極靜細

聽松廬詩話

程拳時曰史記秦子嬰降之歲書漢元年漢書去

漢字殊非正始之義且使覽者不知元年何屬

劉子駿有漢書百卷班固所作全取劉書諸列

傳未有及書集目錄者獨武侯集二十四篇十萬  
四千一百一十二字蜀書詳載之 三國志荀彧  
傳彧以憂薨明年太祖遂爲魏公使人知操少自  
安者蓋憚彧而不敢爲孰謂陳壽非良史哉

在山堂集

郡縣之法周始之秦因之積漸之勢然爾 患不

生於所備而生於所不備弊不生於所不防而生  
於所防治不壞於變法而壞於用法者膠其法事  
不敗於庸才而敗於負才者恃其才

測言

摘句 羣動有時息故人同此心

對月

板橋無次第花徑有窮通

寒燈遠寺微聞梵暮雨空江漸作潮

孫永清

字宏圖號春臺江南無錫人乾隆二十四年舉人  
官廣西巡撫有寶嚴堂詩鈔

安南諸大校莫黎鄭阮諸姓相吞噬久矣先是黎  
氏殘莫氏而據其國其臣鄭檢尋篡奪阮惠誅鄭  
并逐黎氏乾隆二十五年黎維祁攸關求內附時  
高宗純皇帝已遣福公康安總督兩粵將議討君爲廣西  
巡撫密陳曰黎阮相吞噬外夷之常聞安南深懾  
天威可以折筆使也福公然之阮惠果悔罪自陳乞効職

貢恭遇

高宗人旬萬壽入覲既至請用中國冠服

上益嘉之賜名光平禮成而還

同上

五十二年臺灣林爽文反調廣西兵合剿君往駐  
梧州擇勇銳者勞遣之士氣騰湧臺灣平福公謂  
是役也得廣西鎗兵之力爲多

同上

標題

峽山寺和翁學使

七古

摘句

城依綠楊畔風遞白蓮香

積雨綠巖岫空林明翠微

秋聲暗挾江濤壯雲氣遙連海色多

黃紹統

字燕勳號翼堂廣東香山人乾隆二十四年舉人  
官瓊州府教授有仰山堂集

燕勳前明祭酒佐七世孫八歲而孤家貧奉母甘  
旨常充母卒臥靈帷三年不入內室己卯舉於鄉  
選石城訓導進諸生以聖賢實踐之學在任十八  
年擢瓊郡教授士民餞送二十餘里設供帳三百  
餘所從來司鐸所未有也瓊有劣生被褫賄以千  
金求復不許復浼上官關說變色以拒曰吾焉用  
是不義貨遺子孫乎卒於瓊瓊人弔唁不絕

香山縣志

馮繡修敏昌至會城見其詩大傾倒遂訂古交同  
翼堂訓導石城學者稱仰山先生嘗自署楹帖云  
爲倫類中所當行之事作天地間不可少之人其  
子培芳以詩名畱心經術兼工書畫

嶺南  
羣雅

先生闢仰山堂進士人課之如課子弟邑之老者  
敦禮之窮而無告者周恤之節孝者白於上而旌  
之故邑人雖野夫孺子皆敬先生如父師

聽松廬  
文鈔

標題

十八灘

五古

五人墓

五古

摘句

柴門迎晚照籬落隔平蕪

才人奢名不奢福饜飫六籍天亦妬

寧甘憂憤名詩史不願疎狂學酒徒

杜工部

虔禮寶

字席珍一字律齋號古愚漢軍人乾隆二十四年  
舉人官兵部侍郎有椿蔭堂稿

公本姓楊初任高平縣知縣嘗自題容我山房云  
退思只願身無過守分方知樂有餘釀酒先栽三  
徑菊看山更擁一牀書可想見其爲人

聽松廬詩話

摘句 鴉背晨光明遠近馬頭寒色認迷離

百種飄零天不管青山啼遍杜鵑聲

落花

水天無事容高臥此意蕭然便十洲

畢沅

字細蘅號秋帆江南鎮洋人乾隆二十五年

賜進士第一人官湖廣總督贈太子太保有靈巖山人集  
關中勝蹟圖誌陝西巡撫畢沅所進其書以郡縣  
爲經以地理名山大川古蹟四子目爲緯而以諸

圖附於後援據考證各附本條具有始末

四庫提要

公少孤資性穎悟十五歲能詩從沈宗伯德潛惠  
徵君棟游學業益邃乾隆十八年順天鄉試中式  
又二年補內閣中書直軍機處二十五年進士及  
第授翰林院修撰三十一年授甘肅鞏秦階道三



十二年授陝西按察使司十月擢陝西布政使十  
二月護巡撫印務時征大小金川京營及各省之  
兵先後入蜀取道潼關公調運糧餉撥解軍器安  
設臺站源源協應二十八年河洛渭三水並漲分  
別賑恤全活甚衆授陝西巡撫三十九年勘西安  
八旗人馬厰空地與平整屋扶風武功四縣者  
四百八十餘頃悉募民開墾歲納租賦爲八旗賞  
卹之需重修華嶽廟暨漢唐以來名蹟又秦中碑  
版最多萃而置之府學俾毋散佚元聖周公墓在  
咸陽縣北畢原有姬姓秦祀生一人援曲阜東野

氏之例置經博士一員請世襲并奉文武成康四  
王陵祀報可是年十二月丁張太夫人憂回籍明  
年十月陝西巡撫員缺奉

旨畢沅前在西安最久熟悉情形且守制將屆一年着前  
往署理四十六年甘肅河州番回相仇殺傷及蘭  
州知府副將聞警卽屬提督馬彪西安將軍伍彌  
泰等統滿漢兵往擊討之繼聞陷河州逼蘭州府  
城又檄延綏興安二鎮一由固原平涼一由略陽  
鞏秦分道並入適

上命大學士章佳文成公督剿蹙之化林坪賊遂平四十

九年甘肅平涼番回復亂公先調滿漢兵赴剿

上仍命文成公偕富察文襄公領健銳火器兩營兵進剿  
番回窮蹙乞命械赴京師先是西安省城日久頽  
圯公請帑興修三年工畢五十年調河南巡撫豫  
省水旱公請截漕二十萬石平市價以濟民食五  
十三年夏秋多雨漢江及洞庭諸水驟漲出江以  
截江流故江水亦騰踴決荊州堤潰城而入奉

旨授湖廣總督兼署湖北巡撫發銀一百萬兩爲工賑之  
用八月抵荊州同文成公勘潰決緣由蓋因江自  
松滋而下至荊州萬成堤折而東北北流本窄又

有害金洲沙長數里以障其南兼之盛漲無所宣洩直注堤根潰決實由於此乃盡剗洲旁蘆葦於對岸楊林洲斜築土壩並築雞嘴石壩逼溜南趨以刷洲沙無致壅遏而北於是城堤皆足保護矣五十九年八月陝西之安康四川之大寧邪教起皆稱傳教由湖北公馳赴襄鄖訊辦有

旨降補山東巡撫六十年五月仍授湖廣總督卽赴新任二月次襄城聞貴州銅仁苗民石柳鄧湖南永綏苗民石三保等四出鈔掠馳赴常德

旨令駐荆常適中之地爲後路應援是時乾州鳳凰廳諸

處盡爲賊藪且圍永綏雲貴及湖廣官兵分駐鎮  
軍轉餉甚急公令長沙岳陽常德澧州荊門州各  
屬先儘常社兩倉存穀刻期碾運由辰州轉解軍  
營且令雇船從朗江以達五溪較用夫背負爲便  
而辰谿峽門砦以上多苗寨派文武能事者駐兵  
防護運道始爲周密熟苗有被脅者准其自首示  
以若先效順候事平分給逆苗田產又賞給銀布  
米糧以散其黨繼聞永綏圍解卽在花園隆團一  
路安設臺站六省之師每日供支數萬迅速周詳  
上聞而益嘉之自三月至八月乾州苗民五百餘寨先後

詣辰乞降公便坐傳見不設兵衛導以

朝廷威德勉令自新羣苗涕泣叩頭去嘉慶元年湖北賊起詭稱白蓮教宜都長陽各聚數千人爲應公赴枝江調兵搜剿連破蕭家巖栗子山各寨擒斬千餘賊竄山北而宜昌別有賊數千分擾遠安東湖當陽復調河南南陽陝西興漢二鎮兵往援未至當陽陷隨官兵募鄉勇與前護軍統領舒亮進圍之殲其外援三千人斬僞帥楊啟元等七月破城因奏當陽善後六事一編審民戶二分撥營兵三裁撤鄉勇四賑卹良民五旌獎忠節六修

建城垣其他儲備徵發供支策應遠近紆籌鬚鬚  
爲之頓白奉

旨畢沅前此剿洗當陽肅清縣治著有勞績不可不加懋  
賞着賞給輕車都尉世職公復密奏逆苗石三保  
等就擒石柳鄧旦晚可獲以十萬之衆駐守環攻  
苗人生計無資賊首反得從中煽誘不若乘其窮  
蹙予以自新且就降苗內擇其趨捷者以苗攻苗  
不至再煩兵力撤出官兵併剿襄鄖宜昌諸賊自  
可卽日埽除

上下其章於軍中皆以爲宜十二月官兵破平隴斬石柳

鄧復擒吳廷義等於是將軍明亮酌撤官兵前赴  
達州宜昌軍聲大振明年公遵

旨留駐辰州綜攬南北諸軍事羽檄紛沓心規手畫炎天  
瘴毒積勞成疾七月初三日卒於官舍年六十有

八

春融  
堂集

公著續資治通鑑二百二十卷別爲攷異附於本  
條之下凡四易稿而成

潛研  
堂集

秋帆制府愛才下士又好刻書惠定宇徵君所著  
經說悉爲剗剗生平有幹濟材在陝重建省城又  
修華陰太白祠及涇渠在豫開賈魯河修桐柏淮



源廟

湖海詩傳

標題

華嶽聯句一百韻

五古

昭陵石馬聯句

五古

開成石經聯句八十韻

五言排律

摘句

竹深僧貌寒月暗佛燈耿山空木葉下秋

與鐘魚永

夜市有人沽玉盃秋風無淚泣銅仙

咸陽懷古

平淮功定資裴相檄蜀文還仗馬卿

寄趙損之

王文治

字禹卿號夢樓江南丹徒人乾隆二十五年

賜進上第三人官臨安府知府有夢樓詩集

君成進士授編修爲壬午科順天鄉試同考官癸未科會試同考官其年

御試翰林第一擢侍讀署日講官旋

命爲雲南臨安府知府數年以屬吏事鐫級去任其後當復職而君厭吏事不復就官

高宗南巡至錢塘僧寺見君書碑大賞愛之內廷臣有告君招君出者君亦不應君之歸也買僮敎之度曲行無遠近必以歌伶一部自隨其辨論音樂窮極幽渺海內求君書者歲有餽遺率費於聲伎然客去樂散默然禪定持佛戒數十年君嘗自言吾詩

字皆禪理也嘉慶七年四月二十六日趺坐室中  
逝矣年七十三妻女子孫來訣不爲動容問身後  
事不答然則君殆莊生所謂遊方之外者耶文藝  
雖工特君寄迹況於伎樂遊戲之事乎

惜抱軒文集

禹卿賦才英俊尤工書法全侍講魁周編修煌奉  
使琉球挾以俱往故其詩一變頗以雄偉見稱其  
時袁子才壯年引退以詩鳴江浙間禹卿繼其後  
聲華相上下

湖海詩傳

夢樓太守風流倜儻書如其人詩亦無愧作者究  
其才力自遜蔣袁而李雨村盛推之此門弟子之

私言非公論也惟隨園贈夢樓詩有云才子中年  
多學道仙人家法愛吹笙頗切其人

聽松廬詩話

標題 登萬壽閣望華山

五古

摘句 水涵星不動帆正月同懸

山密天無縫筇過石有聲

黔中

將離更唱紅蘭曲相憶應看青李書

烟光自潤非關雨水藻俱馨不獨花

五字河梁蘇屬國經年書記阮陳畱

軍政纔聞誅後至將星忽報落前營

玉牒銀潢九天上高牙畫戟大江東

吳璜

字芳甸號鑑南浙江山陰人乾隆二十五年進士官戶部主事候補四川直隸州殉難贈巡道有黃琢山房詩鈔

癸巳三月揀發四川五月十七日詣登春軍營大將軍某素失將士心六月初十之夕木果木軍潰大將軍死登春一軍亦瓦解公爲礮石飛擊人馬墜溪河中同墜者四千餘人時年四十七事

聞得贈加道銜入祀昭忠祠

忠雅堂文集

陸耀曰鑑南爲樸庭先生

論文

令子商寶意太守

之甥舉京兆出蘭泉王舍人之門

兩浙輶軒錄

摘句

河流抱伊闕嶽影護秦關

碧雲影斷人何處黃葉聲寒雨忽來

漫攜謝朓驚人句要和張華勵志詩

伏檻還存千里志安巢偶借一枝棲

短蘆一帶低如屋空翠千層遠入城

陶然亭

謝啟昆

字蘊山號蘇潭江西南康人乾隆二十五年進士

官廣西巡撫有樹經堂詩集

公授編修出爲鎮江知府又知揚州府寧國府擢

河庫道浙江按察使山西布政使調浙江布政使  
今上親政命爲廣西巡撫凡三載嘉慶七年六月乙丑終  
於位年六十六至廣西築湘灘之隄民呼曰謝公  
隄爲藩司持身廉潔無造怨于吏民而能完久虧  
之額又興學校飭營伍文武皆懷愛之所著樹經  
堂集西魏書小學攷廣西通志若干卷

惜抱軒文集

公爲乾隆庚寅河南鄉試正考官辛卯會試同考  
官多得賢才其最者會稽陳大文歷城方昂以吏  
績名曲阜孔廣森以文學顯生平重交遊獎氣類  
居廣西作懷人詩數十篇首其座師大興翁學士

方綱次桐城姚鼐也同上

蘊山爲覃溪少卿入室弟子篤信師說留心著撰  
至桂林作粵西金石志與覃溪粵東金石志並行  
又修廣西通志微顯闡幽搜羅博洽爲詩不名一  
家而詳于詠史湖海詩傳

標題 台州勘災紀事七古

摘句 南斗一星扶北極西江隻手障東川王文成像

陳奉茲

字時若號東浦江西德化人乾隆二十五年進士  
官江蘇布政使有敦拙堂集



公成進士授四川知縣當金川爲逆大將率兵討之任公主礮局及修飭兵興橋路常居口外山谷間瀕危勞績甚著有三維土司地當進攻金川之路官兵猝至三維長卓爾碼婦人也謂且伐之閉道不通將校譁言三維畔矣宜先攻公告將軍三維未知國家意耳非畔也請往察而諭之將軍從公策公至一告諭卓爾碼卽散守者具狀上謝且奉軍過甚謹其後

詔加其封曰賢順卓爾碼以謂惟陳公活我又予我以榮

也

惜抱軒文集

公在蜀凡二十七年其後居江南九年熟習民情  
能以簡靖漸祛其患吏民愛戴謂得大臣之體好  
士樂善獎掖如不及同

作詩專法杜子美論者謂朴厚之氣殆足媲之上

標題 別老母之官茂州五古 出塞五古 梵詛五古

清溪縣境七古 寶雞五古

摘句 論詩到針芥世情百不顧

清茶故山味小吏閒鷗姿

慮澹身易閒趣深物無劣

日生底柱關門赤風捲中條嶽色黃

四山秋雪明紅樹一驛寒雲瀉碧泉

閒街遶水僧門綠小巷通風藥店香

殘編熟盡還相對蠻語通多總入詩

天垂地底根皆見石上雲端骨欲飛

傳浪鼓山

老冰如石塞陰洞積雪捲風埋壯夫

安得從容共文酒細商此事付將來

吳泰來

字企晉號竹嶼江南長洲人乾隆二十五年進士

官內閣中書有淨名軒集

企晉襟期清曠意致蕭閒少中副車選校官以松

滋山水之佳句畱竟歲旋以病歸其大父吉安大  
守銓歸築遂初園於木瀆雲林杳靄花蔌參差有  
桺堤鶯囀竹溪烟雨爽臺秋月莎邨觀刈松閣聽  
濤巖東霽雪諸勝其尊人用儀復購書數萬卷於  
其中多宋元善本遂與江浙諸名士流連觴詠如  
是十餘年後成進士

召試賜中書而少無宦情壯而彌甚既而兄弟析產出藏  
書而貨之并售其園於是同年畢公沅招主關中  
書院攜家而往後又隨至開封年六十餘而卒企  
晉才情明秀作詩大指一本漁洋子與訂交將及

四紀向所同遊者零落殆盡金谷玉山之雅集不

可復得今取其詩吟諷之不啻山陽之笛矣

湖海詩傳

標題

十八盤

五古

湖樓曉起

五古

吳越王廟

七古

重修瀾橋紀事聯句

七言古律

摘句

禪心水上月世事風中帆

殘陽明浦樹新月上漁家

自古邊庭須魏尚至今父老怨唐蒙

讀史有感

戰壘新增巴子戍降王舊拜夜郎侯

好尋摩詰還山詠未過羲之誓墓年

錦袍烏帽成千古明月清風又一時

牛渚

王宸

字子凝號蓬心江南太倉人乾隆二十五年舉人  
官永州府知府有蓬心詩鈔

蓬心麓臺侍郎曾孫所繪山水頗能入室美鬚髯  
工飲酒著有繪林伐材十卷上自黃帝下逮

國朝乾隆時人亦畫史之總龜也

湖海詩傳

太守罷官後以詩酒陶情人呼曰老蓬仙嘗慕柳

下季東方曼倩之爲人號柳東居士

南野堂筆記

摘句 苦吟咽秋菴旅夢冷秋雨

寫幅丹青閑換酒每逢佳客便當留

申兆定

字圖南號鐵蟾山西陽曲人乾隆二十五年舉人  
官定邊知縣

圖南清羸多病歷官均以廉聲著中年學道又工  
八分書所撰涵真閣漢碑文字如郝閣頌張壽景  
君諸碑跋皆精深詳密作令十年遽歸奄忽其夢

入西溪偶賦云云殆詩識耶

湖海詩傳

摘句 如何花底客竟是夢中身

夢入西溪偶賦

國朝詩人徵略卷三十八

番禺張維屏子樹輯

王杰

字偉人號惺園一號畏堂陝西韓城人乾隆二十六年

賜進士第一人官至大學士贈太子太師諡文端有葆淳閣集

公以拔貢生得敎諭未任遭父喪服終貧甚爲書記以養母所居幕府尹文端公陳文恭公爲江南督府時也兩公皆賢公謂爲正士

惜抱軒集



乾隆五十一年拜東閣大學士公爲人廉靜質直  
誠於奉職其居位與和珅同列公以大體接之不  
爲壯頰悻悻之事而遇所當執終不與和珅附公  
素行無疵瑕

純皇帝知公深和珅雖厭公亦不能去也公之心人不能  
具識而至其入陳

禁陞裨益朝廷者又非人所得聞故不可得而述上同  
嘉慶七年公以老病乞休

御製詩送之有云直道一身立廊廟清風兩袖返韓城足  
以盡公生平矣上同

公爲乾隆庚戌科會試總裁官又嘗爲湖南江西  
浙江考官一督福建學政三督浙江學政所進多

佳士

同上

公嘗訓及門云爲政之道當開誠布公不可有意  
除弊此弊除他弊興矣性寬厚然於世之以姑息  
爲寬大者極不然之曰縱惡以取名如

國家何生平於浮屠老子法未嘗言及亦不排斥有

道及者輒不對曰吾未嘗習此也

王文端  
公年譜

公著有性園易說解夫九三爻辭云若濡有愠言  
已若爲所濡不能無愠究之事過而心跡自明所

國朝詩人卷三  
謂其要无咎也公此言殆自白其衷懷耶

聽松廬文鈔

摘句 鳶魚知道趣鷗鷺澹詩心

記否刺船巫峽日青簾白舫杜陵詩

趙翼

字雲菰號甌北江南陽湖人乾隆二十六年

賜進士第三人官貴西道有甌北集

雲菰性情倜儻才調縱橫而機警過人所遇名公  
卿無不折節下之初受知於汪文端及入中書直  
軍機處傅文忠尤愛其才旋以及第改翰林數年  
簡放知府出守廣西鎮遠時緬甸用兵

詔選鄰省幹才助蒐軍實君住永昌半載會文忠將督兵  
深入遣之還粵又爲李制府所賞調廣州并登薦  
剡擢貴西道尋以母老不復出迄今幾三十年同  
時與袁子才蔣心餘友善才名亦相等

湖海詩傳

君官中書舍人入直樞要進

奏文字多出君手每扈從出塞戎帳中無几案君伏  
地起草頃刻千百言不加點

忠雅堂文集

先生撰廿二史劄記攷證精審持論明通又撰陔  
餘叢考一書雖未及顧氏之日知錄錢氏之養新  
錄然於文字事物之間或究其源流或正其譌誤

不特多聞之有助亦爲解惑所取資又撰

皇朝武功紀盛一編以連篇累牘所未能備述者而簡

括出之亦足徵史才也惟簷曝雜記體例稍雜然

國家掌故及滇黔各省土風物產皆略可藉以攷見

蓋凡先生所撰著均能使人增益見聞通知時事

較之斷斷考据於無用之地者似爲勝之

聽松廬文鈔

甌北先生晚歲退閒取唐宋諸家全集再三展玩

尋繹得識各家獨至之處故所撰甌北詩話挾摘

精微指陳得失語多切當非僅見方隅橫生議論

者可比也其論列詩家梅村之後獨舉初白蓋初

白之詩空靈變化有廣大敘主之風先生詩與之  
相近故不覺爲鍼芥之投然合觀全體漁洋之高  
秀竹垞之厚重初白亦有所未逮惟初白生當王  
朱並峙之時獨能陶冶性靈自成面目此所以爲  
不可及而先生舍王朱而特舉之亦可云獨具隻

眼者矣

同上

甌北五古中論古論事論理諸作雖虛字太多發  
論太盡於古人渾厚含蓄一唱三歎之旨幾不復  
存然胸中有識腕底有力眉開目爽自成爲有韻  
之文且其所言每如吾意中所欲出讀至愜心處

似倩麻姑癢處搔也

聽松廬詩話

七古才氣奔騰時見剽滑五七律多工巧奇警之句然力求工巧可稱能品却非詩家第一義也同上人參一兩直十金此康熙五十年後事也至乾隆十五年白金一兩六錢易參一錢二十八年價至三十二換嘉慶初年白金三百兩易參一兩今則價愈昂而佳者愈不可得誠如甌北人參詩所云但許活富人貧者莫可冀矣然貧者無力服參豈遂坐視其殆余嘗用黃耆黨參療極重之病多則一兩少或數錢連服數劑屢屢見效時醫遇重病

輒云非人參不治亦思世間病人力能服參者有

幾哉

松軒  
隨筆

標題

讀史二十一首

五古 第三首 第八首  
第十首 十一首 二十首

偶得十一首

五古 第一首 第四首 第五  
首 第八首 第十首 十一首

赴滇從軍作

五古

連日無蔬菜至平戛

買得蘿蔔大喜過望而紀以詩

五古

編詩

五古

放言

五古

觀西洋樂器

五古

青山莊

七古

行園

即景

七古 五首

贈相士彭鐵嘴

七古

南珍

七古

摘句

人日住在天但知住在地天者積氣成離



地便是氣氣在斯天在豈有高下異

兒生母已乳蠶生桑已葉生之斯養之未  
嘗有德色

眼白識王敦面青識盧杞一見定其人終  
身弗改徙藉非有性惡何以驗若此後儒  
強爲詮分別氣與理旣名之曰性理早落  
氣裏

硝磺製火藥世乃無利兵玻璃琢眼鏡世  
乃有老明由來利用物亦隨時會呈當其  
機未敗雖聖難預迎及夫爲用廣聖亦不

能更

乃知曠達言大抵十九寓一朝見可欲鮮  
不失故步徒以言取人動爲古人誤

荆公變祖法欲創富強治及思法必行勢  
須使指臂羣小遂競進流毒不可制始知  
功名心亦足禍人世

天地有至文花鳥與山水亦必有解人乃  
不虛此美可憐蚩蚩氓熟視不覩此其有  
才智流又爲名利使倘無我輩在蕭閒味  
其旨大塊亦寂寞歎世無知己

公卿視寒士卑卑不足算豈知漏一盡氣  
燄隨烟散翻藉寒士力姓名見豪翰使其  
早知此敢以勢位慢

同乎俗吏爲吾意旣不欲異乎俗吏爲吾  
力又不足

曉星明似月古堠立疑人

千盤蛇陣勢十萬馬蹄聲

出古北口

倉皇臨大變智勇出良知

樟樹鎮

月華涼在水山影澹於雲

江雲殘夜黑海日五更紅

杜門閒客散攤卷古人來

天遠似連地月高偏傷人

九邊塵靜平安火上苑春催頃刻花

同輩半爲揚鱗客至親翻有向隅人

宣名

品題未便無雙士遇合先成得半功

薦條

欣賞情同青眼客別裁權亞黑頭公

藍筆

黑頭公謂主司用黑筆

落花退筆全無豔食葉春蠶尙有聲

落卷

未妨螺贏艱生子笑比琵琶別過船

撥房

十數名分新雁塔一家人聚小龍門

房卷

一軍皆甲晨聽令萬馬無聲夜踏邊  
久客不歸無異死故人入夢尙如生  
家貧婦或勞兼婢身老兒還小似孫  
潮定未分消長水風橫兼使往來帆  
絕頂樓臺人倦後滿堂袍笏戲闌時  
無官豈必皆高士有福何須作貴人  
焦頭救已愁災熾生齒繁應有劫來  
一蚊便攪人終夕宵小原來不在多  
到老始知非力取三分人事七分天  
千秋自有無窮眼豈用爭名在一時

李文藻

字素伯號南澗山東益都人乾隆二十六年進士  
官桂林府同知有恩平潮陽桂林諸集

南澗成進士謁選得廣東恩平縣知縣後調潮陽  
縣以海疆三年俸滿保薦擢廣西桂林府同知未  
及一年而沒其居官以清白強幹稱嶺南俗多竊  
牛牛皮色相似雖獲盜多不承有司無如之何南  
澗始至令有牛之家各於牛角印烙私記凡赴墟  
賣牛者牙儉以印烙登簿以印付買主如告失牛  
先以印呈官官遣役持印驗墟簿無得隱者大府

善其法下所部行之潮陽民好械鬪往往殺傷多人南澗至則懸鉦於堂上有將鬪者令地保馳入城擊鉦立往拘治衆則散矣潮陽海陽揭陽俗稱三陽仕其地者多致富南澗去官之日囊橐蕭然還至番禺命工摹光孝寺貫休畫羅漢四軸以歸曰此吾廣南宦橐也性好聚書每入肆見異書輒典衣取債致之又從友朋借鈔藏弄數萬卷皆手自讐校於金石搜羅尤富所過學宮寺觀巖洞崖壁必停驂周覽有僕劉福者善椎拓搨紙墨以從有所得則盡搨之嘗乘舟出迎總督小憩南海廟

命僕拓碑秉燭竟夜比曉問總督舟已過矣其詩  
古文皆自攄所見不傍前人門戶然口不道前輩  
之短以爲非盛德事元和惠定字婺源江慎脩皆  
素未相識訪其遺書刊行之予嘗戲論南澗有三  
反長身多髯趑趑如千夫長而胸有萬卷書一也  
生長於北海官於南海二也湛思著書欲以文學  
顯而世稱其政事三也

潛研堂文集

在嶺表士子以文就質無虛日獨稱欽州馮敏昌

順德胡亦常張錦芳作嶺南三子歌

同上

素伯窮經志古肆力於漢唐註疏陞州牧引



見來京聞余有惠氏易漢學諸書至余寓舍借鈔大暑中  
漫膚多汗沾漬衣襟不以爲苦也嘗約其友周編  
修書倉取經史著述未甚傳于世者刻爲貸園叢  
書而素伯歿其後遂不能續今所傳者止十二種  
而已

湖海  
詩傳

南澗先生嶺南三子詩蓋作在先其後與黃虛舟  
黎二樵呂石鵬交善而於二樵尤爲傾倒又有張

黃黎呂之目

聽松廬  
詩話

標題

觀音巖

五古

摘句

俸薄儉常足官卑清自尊

楊慰農太守云  
此宋趙彥謙詩

山色暮愁裏雨聲寒食前

涼生獨客枕聲入萬家心

間雨  
喜作

十三都內皆安業一百餘年不被兵

曹仁虎

字來殷號習庵江南嘉定人乾隆二十六年進士  
官侍講學士有宛委山房諸集

君在禁林每遇大禮高文典冊多出其手館閣代  
言之文院長輒委屬艸皆典重清切宜古宜今擢  
右春坊右中允扈

蹕盤山有奉

敕賡和諸作累擢侍講學士五十一年奉

命視學廣東與平少詹恕交代少詹爲諸生時嘗受業於

君粵人傳爲美談明年程太恭人終於官署君方

按試連州聞訃晝夜號泣甫匝月竟以毀卒春秋

五十有七

潛研堂文集

君詩宗三唐而神明變化一洗粗率佻巧之陋少

時與王吳趙諸君唱酬彙刻其詩流傳海舶日本

國相以餅金購之其事二親孝所得俸錢分寄諸

弟無私藏焉所著詩有春樂瑤華倡和秦中雜稿

轅韶鳴春諸集又有蓉鏡堂文稿二十四氣七十

二候攷轉注古音攷

同上

來殷以聲華名望爲都下所推然端靜自守不至  
朝貴薰灼之門時詩道雜而多端或倣白居易或  
倣黃庭堅楊萬里或至倣袁宏道信手塗抹率以  
流易佻巧爲能如郭舍人之俳諧鄭五之歇後黃  
茅白葦彌望皆是及來殷詩出乃奏金石以破蟋

蟀之鳴

湖海詩傳

標題

秋晚田家雜興

五古

馬伏波銅鼓歌

七古

辟雍釋奠講學禮成恭紀

五言排律一百二十韻

東巡上

陵禮成恭紀百韻

五言排律

摘句 林光微露日石氣欲生雲

綠樹歇疎雨人家春鳥鳴斷雲諸寺出斜

日半山明

紫霧千盤開漢碣碧霞四氣拱秦封

西京專閫推橫海東漢登壇數伏波

初添蜀郡三城戍更遣秦川四道兵

校尉盡看紅帙首材官齊號黑雲都

奸細幾曾誅趙信征人空見老班超

執法烏臺秦御史談經絳帳漢儒林

梨花小院重重樹燕子高樓面而風

白蘋千點鷺初散紅雨一簾鶯亂啼  
聽雨聲從殘夢覺惜花情比憶家深  
記得小窗相伴讀晚涼庭院水晶簾

陸錫熊

字健男號耳山江南上海人乾隆二十六年進士  
官副都御史有篁邨詩集

耳山博聞彊記資稟絕人二十七年

召試

賜內閣中書入直軍機初與予奉

敕編通鑑輯覽頌之

命輯永樂大典復求天下遺書開

四庫館以薈萃之校對數百人謄錄至千餘人歷十年始成而君與今大宗伯紀君曉嵐司其總每進一書仿劉向曾鞏例作提要冠諸簡首

上閱而輒善之

特旨由刑部郎中授翰林侍講文字受

知駸駸嚮用典試者三督學政者一後因奉天所儲

四庫館書中多脫落舛誤奏請自往覆校比至而病歿時論無不痛惜平日進

御之作工而不穠婉而能切同人推爲莫及至詩文隨手

散佚歿後搜篋中得數百首皆應酬之作非其意者

意者  
湖海詩傳

標題

戲鴻堂石刻歌七

鉛山追悼蔣心餘

摘句

山青削雨崖天白露一綫衆壑競奔流斜

曳萬丈練

橫塞灘

田俯僧衣碧峰交佛髻青

小牀怯雨畱燈坐薄絮欺寒壓夢眠

手摘明星望鄉國黃河如綫走中原

吳玉綸

號香亭河南固始人乾隆二十六年進士官兵部



國朝詩人卷三十八  
侍郎有香亭詩集

君成進士改庶吉士散館授檢討充

武英殿纂修乾隆三十年充順天鄉試同考官三十  
三年遷貴州道監察御史十月遷太常寺卿三十  
九年充順天鄉試同考官四十一年

上以金川平將告成功於

闕里

特命君先往演習禮樂四十四年又以熱河

文廟成

上將親往釋奠亦先遣往習儀四十五年正月扈

陞南巡四月陞都察院左副都御史四十六年充曾試副總裁得錢棨等一百六十八人四十八年六月充浙江正考官是年九月授福建學政五十二年還京二月授兵部右侍郎五十四年以事降檢討君既復歸館職悉心纂校凡七年而年已六十有四

詔以原官休致既歸俯仰邱園教子孫以孝弟讀書一如

中丞公之所以教君者

春融堂集

京師琉璃廠北巷古海王村也向爲王漁洋司寇故宅手植紫藤一株舊本久枯乾隆己丑香亭先生寓此次年抽蔓復花因繪古藤詩思圖自爲記一

時名流題詠殆徧錢文端有臭味尊前輩風流此一燈因君追往事其奈髮鬚簪之句蓋文端少時曾過漁洋此寓云圖中佳句不可勝舉而余最愛錢釋石侍郎畫人只畫衿衣寒畫花并畫雕欄曲二語能寫出紫藤風致

聽松廬詩話

余與公子嵩少水部

俊民

紅生中翰

葆晉

爲文字

交垂二十年嵩少昆季寓橫街大川淀余每入都暇輒過從樽酒論文清歡永日古書繞榻綠陰壓檐渾忘身在軟紅塵土中也一日邀余小飲又出引藤書屋圖觀之引藤書屋者先生移寓橫街分

古藤而引其蔓以爲新藤也此圖題詠不減前圖  
余最愛曹習庵學士人如五老當筵集花有雙身  
隔巷移之句又劉石菴相國句云消得一庭人影  
月紫英飄落酒盃中相國詩罕見此清麗者同上  
近人詠梅花多著相卽如趙甌北單身立雪程門  
弟素面朝天虢國姨幾墮惡道香亭先生句云梅  
花清極本無詩七字爲梅花掃多少荆棘同上  
摘句 千山闕函谷一綫入秦州

白帝降精凝華嶽黃河倒影射潼關

四山落葉亂飛鳥萬樹遠松明夕霞

香過木犀能悟否廣寒高處本無花

詠桂

### 馮應櫺

字星實浙江桐鄉人乾隆二十六年進士官鴻臚寺卿

星實英敏豁達有幹濟才既以江西布政使罷歸益肆力於典籍尊人養吾侍御注李玉溪詩最爲精贍君師其意以蘇文忠公詩注疏舛尙多遂取王梅溪施輔之查初白諸本合抄之以攷其是非得失所採正史而外凡被書脞說可證據者靡不

蒐討

湖海詩傳

星實先生沈酣於東坡詩者有年又得宋槧五家  
注元槧百家注舊本參以施注殘本稽其同異而  
辨證之竊謂王本長於徵引故實施本長於臧否  
人倫查本詳於攷證地里先生則彙三家之長而  
於古典之沿譌者正之唱酬之失攷者補之輿圖  
之名同實異者覈之以及友朋商榷之言亦必標  
舉姓氏其虛懷集益又如此合注出而讀蘇詩者  
可以得所折衷矣

潛研堂  
文集

摘句 列戟門疑水焚香事告天自然翔鸞驚詎

待效鷹鷂

哭陸朗  
夫中丞

七盤路入星河影一綫江分隴蜀天

儲祕書

字玉函江南宜興人乾隆二十六年進士官黃州知府有緘石齋詩稿

玉函好游後中甲科數載省郎一麾出守尋罷官歸卒其詩淺而實腴清而不激又工倚聲湖海詩傳

玉函爲理質太史在文之孫松軒隨筆

摘句 亂鴉盤古塔凍鵲聚閑門

海月迎人滿山花背客妍

衣袖尙存慈母綫盤飧重剪故園蔬

綠蔭村邊孤寺掩春陰牆角一花明

趙文哲

字升之號璞函江南上海人乾隆二十七年

召試

賜舉人官內閣中書殉金川難

卹贈光祿寺少卿有姸雅堂嫗隅等集

乾隆壬午春

上幸江南進詩試

賜舉人授內閣中書舍人甲申直軍機房戊子秋侍講學  
士紀昀中書舍人徐步雲洩兩淮鹽運使盧見曾



事君與余牽連得罪會兵部尙書阿公桂以定邊  
右副將軍總督雲貴請以余兩人掌書記

詔許之明年三月至騰越州時大學士忠勇傅公恆奉  
命經略緬甸七月偕協辦大學士副將軍果毅阿公里袞  
由南大金江以西進討君從之出萬仞關緬地惡  
多瘴攻壘久未克君乃以病還騰越州十一月緬  
降撤兵傅公還

朝君始與余依阿公幕府居二年辛卯五月

上以理藩院尙書溫公福代阿公會金川土舍索諾木襲  
革布什咱土司戕之噉小金川土舍僧格桑攻鄂

克什勢張甚總督弗能制九月

命溫公偕阿公赴蜀討之奏以余與君行十月至成都復以君爲中書舍人明年壬辰五月余從阿公由章谷攻達烏君留溫公所是冬克美諾小金川平晉君戶部主事又從溫公由空喀進討金川明年癸巳兵至木果木攻五閼月弗克六月小金川降者叛與金川合鈔後路初十日師潰賊邀於險溫公歿君與其難時年四十有九按故事無驗而死于兵名曰未出未出不得卹兵部員外郎巴君尼琿以君陣亡報事聞兵部乃議贈光祿寺少卿予祭

葬工部作主躋于昭忠祠命翰林院立傳蔭子一

入國子監讀書期滿以知縣用

春融堂集

標題

鄭學齋詩

五古

牟珠洞

五古

大池灘

五古

樂戶行

七古

猛拱土司進四象詩

七古

瑛

爛山紀事

七古

摘句

一峰十萬樹一樹四五猿一猿千百聲雜

以風雨喧一日十二時一程三十里一軍

六千人盡在猿聲裏

山迴露碓牀舂迴隱漁鼓微風來炊烟人

家渺何所

石立水亦立飛浪搏人面

林霏寒作雨池水靜生雲

尙憶牽衣同拜母真從戴笠早稱兄

更無人影惟簾影纔和香煙又藥煙

茶煙

朱孝純

字子穎號海愚漢軍人乾隆二十七年舉人官兩

淮鹽運使有海愚詩鈔

子穎奇男子也浩浩焉有擔荷一世之心

劉海峰文集

子穎爲都統龍翰之子承其家學能畫尤長于孤

松怪石鬚髯不多有兩莖緣脣而下長二尺許風

吹飄然撚之頗自憇也作令四川獨游峩眉經旬  
乃返後以迴避當量移他省時大兵方討金川子  
穎單騎赴營觀戰鬥久之而去其募儻奇偉如此  
愛友朋晚爲揚州鹽運使方欲招致大江南北諸  
賢爲文酒之會而遽以風痺解職姚姬傳謂其不  
可一世之氣勃然動于紙上王夢樓謂其豪宕感  
激之意屢見於詩者信也

湖海詩傳

孝純工山水知泰安府時曾作泰岱全圖

墨香居畫識

朱子穎詩伉壯雄豪有幽燕老將氣槩

聽松廬詩話

標題

對酒二首

五古

登日觀峰觀日出

七古

成

都逢楊竹堂

七古

仲松嵐席上作

七古

摘句

偶於會心時微言得要妙

只愁天上月併作鬢邊霜

鄉心垂萬里天影接諸蠻

一水漲喧人語外萬山青到馬蹄前

颿共鼉鼉爭晚浪人如鳬雁在晴空

雞啼荒雪陳倉道馬亂春雲大散關

邊風壓地黃雲動朔氣橫關白日陰

椎牛穹帳三更雪飲馬長城十月冰

黃河一綫從天下太華三峰拔地開

四郡開邊虛鐵馬九天擎露失銅人

通天臺

飛鳥與人爭道路啼猿知我憶家鄉

張熙純

字策時號少華江南上海人乾隆二十七年舉人

官內閣中書有華海棠集

策時英姿壯氣與升之同學齊名中年歿於京邸

未歷江山兵燹之奇故所作稍遜一籌

湖海詩傳

摘句 人家藏遠樹漁火入寒流

洗鉢承花雨翻經和海潮

山店桃花分馬色溪橋楊葉試弓聲

連江暮雨孤帆卸  
萬樹秋聲一雁飛  
詩就涪翁分一瓣  
酒同坡老鬪三蕉  
紅牙曲罷千花暝  
青翰舟迴一水香

張九鉞

字度西號紫峴湖南湘潭人乾隆二十七年舉人  
官南昌知縣有楓林羊城諸集

紫峴初宰峽江繼調南昌遇水災力請普賑水際  
積骸纍纍捐廉購棺瘞之豫章溝渠淤塞力請開  
通於是二十里長渠復其舊三湖積潦得以疏通

居民德之

聽松廬  
文鈔



紫峴先生詩學太白而得其真氣落想浩然落筆  
灑然如風行空如雷出地濡染大筆洵堪旗鼓中  
原非特爲楚之雄也余覓其全集弗得今秋寓章  
門遇杜少牧秀才得見鈔本百餘首亟錄其一二  
比諸吉光片羽焉登采石謫仙樓放歌云借我峨  
眉萬古之明月照我長江萬里之孤舟醉我樽中  
千斛之美酒坐我青天百尺之高樓危磯冥冥猿  
愀愀怒濤走渚聲奔牛枯松削江風颭颭雙蛾橫  
掃天門秋樓前何人擊大鼓使我聞之淚如雨任  
城誰伴狂知章歷下不逢老杜甫乾坤浩蕩日月

自世有斯人容不得空攜駿馬五花裘  
調笑風塵二千石天生鞭撻風騷客  
肯上樓船同作賊黃金唾氣不原功  
翻令銜哀夜郎謫宮袍落拓何處來  
磯頭淚灑孤臣杯開元天子真知己  
七寶方牀安在哉心懷濟代浮名誤  
學佛求仙了世故死後能令泣鬼神  
生前已悔工詞賦我欲招之騎黃鶴  
飛出江湖下衡霍玉簫金管擁羣鬟  
喝月青山銜不落徑須捉挈崔宗之  
共捉長鯨拔其角自從大雅久沈淪  
獨立寥寥今古春待公不來我亦去樓影

蕭蕭愁煞人

聽松廬詩話

標題

廣武

古五

桃源洞

古七

新疆屯田歌

古七

鐵杖樓歌

古七

武侯墓鐵蒺藜

古七

題桂

林霜院本

古七

張鍋魁歌

古七

摘句

龍血久銷磨誰復分虎鼠

古戰場

日落萬山中化爲煙霏霏

天在峯窮處峯窮天又垂

長淮下曉月秋氣生中原

河嶽雄詩膽乾坤縱病身

蠻刀吹鬼髮峒錦作戎衣

南微

旌旗文諭蜀鼓吹曲平蠻

浮生無姓字亂世有神仙

梅尉

不圖將別日得見未交人

贈耿湘門

官冷詩名天下熱

贈汪輦雪

蒲桃醉臥一丈雪仰看日射天山紅

送曾亮臣

誰知萬古塚中魂飛作三更頭上雪

花田

遠地也須圖再會神交原不作初逢

別湘門

國朝詩人徵略卷三十九

番禺張維屏子樹輯

黃景仁

字漢鏞一字仲則江南武進人諸生有兩當軒蔗  
梢諸集

父之炎禱于學宮神祠而生君故小名高生君數  
歲卽孤伯兄又繼卒訓導君撫以成立性不耽讀  
而所受業倍常童年八九歲試使爲制舉文援筆  
立就學使者歲科二試吾鄉應童子試者至三千  
人君出卽冠其軍前常州府知府潘君恂武進縣

知縣王君祖肅尤奇賞之君美風儀立儔人中望之若鶴慕與交者爭趨就君君或上視不顧君守訓導君訓未嘗學爲詩歲丙戌亮吉亦就童子試至江陰遇于逆旅中亮吉攜母孺人所授漢魏樂府鈐本暇輒朱墨其上閒有擬作君見而嗜之約共倣其體日數篇逾月君所詣出亮吉上遂訂交焉及常熟邵先生齊燾主常州書院亮吉及君皆從游君學益大進君爲諸生家甚貧不願授徒值潘君恂王君祖肅遷官杭歙君歷訪之歸必得詩數百篇後復攜邵先生書客湖南按察使王君太

岳署中是時君已攬九華陟匡廬泛彭蠡歷洞庭  
每獨遊名山經日不出值大風雨或暝坐崖樹下  
收豎見者以爲異人自湖南歸詩益奇肆見者以  
爲謫仙人復出也後始稍稍變其體爲王李高岑  
爲宋元祐諸君子又爲楊誠齋卒其所詣與青蓮  
最近歲辛卯大興朱先生筠奉

命督安徽學政延亮吉及君於幕中先生賓客甚盛越歲  
三月上巳爲會於采石之太白樓賦詩者十數人  
君年最少著白袷立日影中頃刻數百言徧視坐  
客坐客咸輟筆時八府士子以詞賦就試當塗聞

學使者高會畢集樓下至是咸從奚童乞白衿少年詩競寫一日紙貴焉君自知年不永嘗共赴邵邵先生於常熟夕登虞山遊仲雍祠北望先生墓慨然久之曰知我者死矣脫不幸我先若死若爲我梓遺集如玉芝堂乎玉芝堂者王君太岳爲邵先生所刊詩文集名也亮吉以君語不倫不之應君就便焚神祠香要亮吉必諾乃已故平生於功名不甚置念獨恨甘詩無幽并豪士氣嘗蓄意欲遊京師至歲乙未乃行亮吉亦以貢入都值母孺人疾中止君自京師貽亮吉書曰人言長安居不



易者誤也若急爲我營畫老母及家累來俾就近奉養不至累若矣亮吉時奉母孺人憂家居發其書資無所出居向有田半頃屋三椽因并質之得金三鎰俾君之戚護君母北行後二年而亮吉遊京師君果以家室累大困亮吉復爲營歸資俾君婦及子奉君母先回而君已積勞成疾矣又二年亮吉遊西安君繼至今陝西巡撫畢公沅奇君才厚資之遂以乾隆四十一年

上東巡召試二等在

武英殿書籤例得主簿入資爲縣丞銓有日矣爲債

家所迫復抱病逾太行出雁門將復遊陝次解州  
病殆遂卒于今河東鹽運使沈君業富運城官署  
距生乾隆十四年年三十有五君性不廣與人交  
落落難合以是始之慕與交者後皆稍稍避君君  
亦不置意獨與亮吉交十八年亮吉屢以事規君  
君雖不之善而亦不之絕臨終以老親弱子拳拳  
見屬君之意殆以亮吉爲可友乎此或君之明而  
亮吉亦有不取辭者矣君年甫壯歲蹤跡所至九  
州歷其八五岳登其一望其三及歿而出篋中詩  
篇幅完善者至二千首是可傳矣

卷施閣  
文集

黃少尹風儀俊爽秀冠江東初依竹君學使公燕  
太白樓援筆成詩時有神仙之望自遊京邑聲譽  
益華卒以不自檢束憔悴支離淪於丞倖高才無  
貴士悲夫曩以薄游關中綢繆觴咏才賢並集實  
謂勝游踰年客死安邑人傳其過平遙絕句云疑  
是晉鄉靈未泯九原風雨逐人來詞雖警絕信爲

詩識

吳會英  
才集

仲則風神玉立世比叔寶年未弱冠所撰小賦新  
詩已有烟月揚州之譽旣而彈鋏依人歷游楚越  
又從竹君學使于皖桐及回京從子受業務爲閤

覽博聞之學故所過名山水探奇歷險才力皆足以發之激昂排冪不主故常信其所至正如淚流

鮫客悉化明珠米擲麻姑俱成丹粒

湖海詩傳

仲則爲詩上自漢魏下逮唐宋無弗效者疏瀹靈

腑出精人能詞出入辛柳閒新警略如其詩

春融堂集

古今詩人有爲大造清淑靈秀之氣所特鍾而不可學而至者其天才乎飄飄乎其思也浩浩乎其氣也落落乎其襟期也不必求奇而自奇故非牛鬼蛇神之奇未嘗立異而自異故非佞屈贅牙之異衆人共有之意入之此手而獨超衆人同有之

情出之此筆而獨雋亦用書卷而不欲炫博貪多  
如賈人之陳貨物亦學古人而不欲句摹字擬如  
嬰兒之學語言時而金鐘大鏞時而哀絲豪竹時  
而龍吟虎嘯時而雁唳猿啼有味外之味故咀之  
而不厭也有音外之音故聆之而愈長也如芳蘭  
獨秀于湘水之上如飛仙獨立于閬風之巔夫是  
之謂天才夫是之謂仙才自古一代無幾人近求  
之百餘年以來其惟黃仲則乎

聽松廬  
文鈔

或曰仲則詩誠工矣然超逸有餘而博大似未足  
也余曰子之意必以多用書多數典而後爲博乎

必以襲杜韓之貌學明七子之聲而後爲大乎夫古無類書并無刻本是以三都賦就紙貴一時今類書大備刻本通行爲詩文者一題到手但解繙書居然博學吾非謂書可少也第以善爲詩者用書而詩愈工不善爲詩者用書而詩亦拙蓋書不可廢亦不可恃也至於杜韓兩家學之者衆貴在得其神骨豈徒襲其皮毛不然李空同之學少陵聲口可云逼肖乃身後論定終難免嬰兒學語之譏正以有心摹擬真氣弗存也仲則天分極高無所不學亦無所不能至下筆時要皆任其天之自

然稱其心所欲出乾坤清氣獨往獨來此仲則之  
所以不可及也同上

仲則詩諸體皆工其筆力變化騰拏不拘一格卽  
以七言古體論之其中有大筆如一信將無渤解

空再來或恐鴻蒙濕

觀潮行

洞庭一瀉八百里浮雲

貼天天浸水

洞庭行

有重筆如萬八千人同一泣卓

然大陣如山立

虞忠肅祠

當時河北廿四郡大名獨邀

天子呼

顏魯公名印歌

有提筆如東山賓從南州客顧榮

羽扇桓伊笛

淮上夜發

有陡起之筆如一篝火起狐鳴

野三月阿房土花赭

漢五并天下文拓本

有陡接之筆如一

風吹衣露其肘有大如掌瘡癥新

程孝子行

有放筆如

此樓此月此客可一醉誰共此樂獨與清影相嬉

邀

元夜登天橋酒樓

有歛筆如故人遲我作長句須在匡

山讀書處

得稚存書

有細筆如藏古篆法意慘澹備諸

皴妙胸錘鑪

王叔明畫

有險筆如虎口呀開大如斗人

轉從容探以手

圈虎行

有直筆如不能決蹠爾不智

不能破檻爾不武

同上

有峭筆如映之蒼壁太古色

洗以淥水空天痕

先文節公像

有超筆如紅霞一片海

上來照我樓上華筵開

筭河先生偕宴太白樓

有挺筆如此

時長驅有八可以笏畫地言琅琅

虞忠肅祠

有翻空之



筆如若使麻姑海上見卽此亦是滄桑流湖西有刻

入之筆如百無可冀冀一濟一髮尙欲回千鈞程孝

行子有跌宕之筆如或云名山恨僧占縱以歸我能

留乎洞三元有動盪之筆如馳檄纔清驃國烽回軍

又撒旄牛寨觀鄺湛有奇句如風吹離地倘尺五

著手便可捫匏瓜九華山長虹五道飲河下肉山自

來填曠野劉武穆祠有健句如斗大城猶守六年百戰

身經中三矢余忠宣祠隻身斫壘沙滾滾隨手殺賊風

淒淒寄王東田有沉着之句如多少中原逐鹿人若見

此文同一泣漢瓦并天有清空之句如一絲清氣

共來往星辰自動高高天

樓上對月

有真摯之句如一

身未了地上事親在詎敢逃空虛

登妙遠閣

偶然持論

有齟齬事後回首皆相思

待稚存

有古豔之句如沐

日浴月暈蒼翠苔色散點周秦銅

黃山松歌

有冷豔之

句如幽蘭裊露露珠白零落花香葬花骨

秋夜曲

有

雄麗之句如山屏五色開雀尾海光萬道浮龍鱗

送馮魚山歸欽州有沉麗之句如碧海難騎李白鯨紅塵

欲老嵇康鳳

贈尹六丈

有適鍊之句如依人虎任人頤

使伴虎人皆虎睡餘行有刻劃之句如怒張牙

爪數獅象俯受戒律儕祇陀

戒壇四松歌

有一氣三句

如不知當年薰糟邱天津橋南之酒樓亦有風景

如茲不天橋酒樓有一氣五句如將軍已死殉合門紛

紛部曲呼其羣曰余將軍死死君我輩何忍辜將

軍從而死者千餘人余忠宣祠有一氣七句如假如公

有烟霞思此必弟子相追隨前驅狼狽後屬麋攜

囊入雲採苓芝剝刷幽怪窮險巖佐公巨筆揮淋

漓此則不敢多讓誰上朱簡河先生以上摘句皆一鱗片

爪耳欲翫其通體神氣仍當於全篇觀之聽松廬詩話

仲則七律余尤愛者錄之以供同好翮與歸鴻共

北征登山臨水黯愁生江南草長鶯飛日遊子辭

鄉去友情五夜壯心悲伏櫪百年左計負躬耕自  
嫌詩少幽燕氣故作冰天躍馬行 看人爭著祖

生鞭彩筆江湖焰黯然親在名心畱百一我行客

路慣三千誰從貧女求新錦肯向朱門理舊絃吳

市簫聲燕市筑一般悽斷有誰憐

將之京師雜別五首錄二

五劇車聲隱若雷北邙誰見塚千堆夕陽勸客登

樓去山色將秋遶郭來寒甚更無修竹倚愁多思

買白楊栽全家都在風聲裏九月衣裳未剪裁

側身人海歎棲遲浪說文章擅色絲倦客馬卿誰

買賦諸生何武漫稱詩一梳霜冷慈親髮半飢塵

凝病頗炊爲語遶枝烏鵲道天寒休傍最高枝

都門

秋思

如鴝鵒夜雁嗥晨剪燭聽君話苦辛縱使身

榮誰共樂已無親養不言貧少年場總刪吾輩獨

行名終付此人行覓宅時養砂地不辭暫踏軟紅

塵

與稚存話舊

神清骨冷何由俗鳳泊鸞飄信可哀

何處好山時夢到一聲清磬每驚回定知前路合

長往疑是此身真再來聞道玉皇香案下有人憐

我在塵埃

失題

余舊題仲則詩集有云黃生抑塞

多苦語要是飢鳳非寒蟲今三復其詩益信

同上

或曰仲則耽酒好色其才雖美其人不足重子之

推許母乃過歟余曰僕就詩論詩謂其詩可愛非  
 謂其人可法也亦第就仲則之詩論詩非謂其能  
 壓倒諸家也至仲則親老家貧窮愁抑塞念念不  
 忘將母乃欲謀升斗之養而不獲遂其志卒至飢  
 驅奔走客死他鄉吾方悲之不暇又何暇以禮法  
 繩之耶同上

標題 雜詠五古第一首第三首第七首第十首十五首十七首 觀潮行

七古 後觀潮行七古 楚歌行七古 上朱笥

河先生七古 笥河先生偕宴太白樓七古

虞忠肅祠七古 大雨宿青山僧寺五古 鋪

海古七 遊九華山放歌古七 大造古五 夜

宿中峰古五 答維衍古七 思舊篇古七

余忠宣祠古七 塗山禹廟古七 樓上對

月古七 新安程孝子行古七 歷城道中古五

獻縣丞坐中觀技古七 得稚存淵如書

卻寄古七 圈虎行古七 漢瓦并天下文拓

本古七 題洪穉存機聲燈影圖古七 顏魯

公名印歌古七 王蘭泉先生齋頭觀鄺湛

若天風吹夜泉硯古七 太白墓古七

摘句 不知何事勞但若有所待雜詠一待字誤多少事每誦

此十字輒惆然久之

行行向京雒冠蓋織古今疲極或嘅息偶  
云慕泉林長揖挽之去至竟非其心

譖醜伏禍淺譽美藏機深

膚寸足下雲條已際天白

萬里見川原千堆散邱垤

道旁見樵衣疑是虎啖餘側身望中嶺半

黍形蠕蠕須臾負薪至低唱過我車

妙繪不到處化工展匠力

松間就僧飯牕際聞樵斧



上嶺怒欲壓下有無窮深削壁絕捫搥長

雲蕩其陰

小心坡

霞奔如有聲日起已千尺濛濛濕未收照

見島烟白

登鎮海城樓觀海

況生東南人柔脆太楚楚鍊以冰雪威骨

健可檣柱

多恐再圓時不是今宵月

聚散成古今此意幾人會

觸物感斯集不知何事悲

精氣生已洩那有魂相隨

新路如人面看來總不同

五更乘曉月一路看秋山

秋士霜前草春人鏡裏花

澹日寒逾瘦孤雲懶不高

由來著書願禁得幾蹉跎

偶看芳草思名馬每見青山想異書

經過燕市仍吳市相送臯橋又板橋

春水將生君速去此江東下我西行

好名尙有無窮世力學真愁不盡書

馬因識路真疲路蟬到吞聲尙有聲

似此星辰非昨夜爲誰風露立中宵  
小山桂樹吟方苦大海萍踪聚亦奇  
風雪衣單知歲晚江湖酒病與年深  
九派江聲猶入夢六朝山色已迎舟  
山勢盡朝東岳去地形都向北平開  
百靈自掣龜山鎖萬怪須然牛渚犀  
天心似要江河合地勢愁當湖海衝  
忽然破涕還成笑豈有生才似此休  
郢中有客皆詞賦楚國何峰不雨雲  
江漢欲浮天地外山川渾老戰爭餘

禹疏不到相離水媧補難平有恨天

千秋放逐同時命一樣牢愁有盛衰

屈賈祠

生前遇合樊姬笑死後悲歡優孟歌

孫叔敖祠

去畱楚漢興亡地倔強韓彭斧鑕餘

英布墓

一慟無由恩已絕兩家多故事難言

靈澤夫人

事去僅歸蘇武節身閒聊傍葛洪居

洪忠宣祠

靜裏風懷元度月愁邊心血子胥潮

萬事不如知己樂一燈常記對牀時

久遲作答非忘報只恐開緘亦斷魂

纖雲微蕩月沉海列宿亂搖風滿天

王復

字敦初號秋塍浙江秀水人太學生官偃師知縣  
有樹護堂詩

秋塍承其尊人穀原之學殫見洽聞詩才凌厲迨  
筮仕中州初任商邱令尋調偃師繼湯君毓卓之  
後湯君南皮人乾隆壬午孝廉搜羅金石重輯志  
書與武君虛谷交君繼其後風流彌劭游龍門砥  
柱極山水之勝作長卷紀之同安陽令趙君希璜  
皆以仙吏稱

湖海詩傳

王大令名父之子翩翩佳士早年游歷江淮棲遲

京國鉅公名士咸有膠漆之投詩篇蘊藉風流如  
其標格頃自雍鎮豫佐幕需賢薦牘再申由承擢  
令雖沾微祿深惜小用其材

吳會英  
才集

摘句 志在業千秋情豈榮一官

好詩句有神催花速於鼓

草色青迷沽酒處杏花紅點渡江時

月明漁火全無影夜靜江濤漸有聲

憂患豈真緣識字飄零未易得歸期

淺碧新羹烹玉茗硬黃佳帖寫銀鈎

信有人間鳳伴鴉誰憐樂府鴛鴦鳴

徐書受

字尚之江南武進人太學生官知縣有教經堂集  
尚之羈旅道塗所作往往牢愁激楚取法在孟東  
野張文昌間然才情諧暢兼效元白

詞海詩傳

徐州倖爲茶坪詩老曾孫學有本原性情純摯其  
詩悱惻纏綿意由心發曩曉嵐補山二公薦爲秘  
校已草封章終以捧檄不遑擇祿古來丞尉每有  
賢才香山柳州此爲流亞

吳會英才集

標題

論癖一首

五古

送秋塋往保定

七古

摘句

亭臯俯呀庠人馬比蛩塵

十八盤

霜柳未黃矜雨色風蟬將老變秋聲

亂山深處藏官廨春水生時響桔槔

### 楊芳燦

字蓉裳江南金匱人貢生官戶部員外郎有吟翠軒初稿

蓉裳驚才絕艷綴玉聯珠駢體之工幾于上掩溫邢下儕盧駱而詩則取法於工部玉溪間填詞亦兼有夢牕竹山之妙乃僅以拔萃科選爲伏羌縣令旣而逆回構亂烽火連天蓉裳嚴守孤城授子傳餐獨當承奕事平久之乃量授靈州又偃蹇十



餘年始爲農部雖兼會典館纂修而終不獲與於承明著作之林殊爲缺事然聞京師盤敦之盟必以君爲赤幟蓋光燄固不能掩也

湖海詩傳

楊州牧驚才絕艷世謂盈川復生袁簡齋太史論詩所云毘陵星象聚文昌洪顧孫楊各擅場者也始以里選上計出宰伏羌值回氛肆逼櫻城守禦指揮殺賊一軍皆驚王述庵廉使統師長武嘉其偉節賦詩二律飛達圍坡州牧卽有和章並自著伏羌紀事詩一卷又何整暇竟以殊功特擢可謂

才人之奇遇

吳會英才集

標題

錢忠懿王金塗塔瓦歌

七古

哥舒翰紀功

碑

七古

伏羌紀事詩一百韻

五言

排律

摘句

峰遮遙目斷月伴客心懸

誓死孤城在輕生一劍提

玉節仍煩中屬國金符新拜左賢王

時當搖落難回首人爲聰明易斷腸